

13. maj 2014

UPA 2014/56
Evelyn Frederiksen

Nunatsinni nukissiuuteqarnikkut niuerneramik ingerlatsiviup, ikummatissanik pilersuivittut ingerlasup pisortanit pigineqartup Polaroil-ip KNI A/S-imit avissartinneqarluni 1. Januar 2015-mit aallartittumik ingerlatseqatigiiffittut ingerlanneqalernissaa siunertaralugu Naalakkersuisut piareersaataasumik sulissuteqaqqullugit peqquneqarnissaannik Inatsisartut aalajangiiffigisassaattut siunnersuut.

(Inatsisartuni ilaasortat Knud Kristiansen aamma Gerhardt Petersen, Atassut)

Atassummiik siunnersuuteqartut Knud Kristiansen kiisalu Gerhardt Petersen siunnersuutaanut qutsavigaagut. Siunnersuummut Siumumit ima oqaasissaqarpugut.

Nunatsinni nukissiuuteqarnikkut niuerneramik ingerlatsiviup, ikummatissanik pilersuivittut ingerlasup pisortanit pigineqartup Polaroilip KNI A/S-imit avissartinneqarnissaa 1. januar 2015-imiit aallartittumik ingerlatseqatigiiffittut ingerlalnissaanut siunnersuuteqartut siunertaraat, siunertaq tunngavimmigut ajunngikkaluarpoq, siumumiilli isumaqarpugut taama piareersarnissaq piffissaanngitsoq siusippallaartorlu, ullumikkut KNI A/S aataani inissisimasut ima isikkoqarput:

Pilersuisoq A/S illoqarfinni 12-ini nunaqarfinnilu 53-ini ingerlatsivoq.

Neqi A/S: Nersutinik toqoraavik.

Polaroil A/S: Tankanlæg – mandskabshus-inik aamma taaneqartartut, gasdepot-it standere-t illoqarfinni 16-ini nunaqarfinnilu 52-ini ingerlatsivoq.

Nunarput ullumikkut ima aqqissuussaavoq pilersuinermit isumaqatigiissuteqarnikkut pilersuineq KNI A/S-imit ingerlanneqarluni, pilersuisussaalluni illoqarfinni nunaqarfinnilu isorliunerusuni Pilersuisoq A/S aqutigalugu.

Qulaajagassat arlalissuupput ikigisassaangitsut siunnersuutip uumatut ittip suliarineqannginnerani suliarineqaqqaatariaqartut. Pilersuisoq kisiat qiviaraanni taassuma isorliunerusuni sullitai makkuninnga imaqqakkajuttarput: Aningaaserivittut, orsersortarfiit ikummatissanut, allakkerivittut, nassiussalerivittut umiarsualivittut timmisartoqartarnemi sulliesisutut, atuuffiit ikigisassaangitsut Pilersuisoq A/S –ip ulluinnarni sullitarai soorunami sullissinissamik isumaqatigiissuteqarnikkut.

Soorlu aamma Naalackersuisut akissuteqarnerminni ilaatigut qulaani taakkartoriikkagut peqqutigalugit siunnersuummut taama isikkoqartumut ilaliinngitsut, Siumumiillu Naalackersuisut allannguutissatut siunnersuutaat ilalerparput, uanili kissaatigalugu misissueqqissaartussat arlaannaanulluunniit attuumassuteqannginnissaat, apeqqutit qulaajarneqaaqqaartariaqartut eqqarsaatigalugit pitsaaqutit ajoqutillu erseqqissarneqarlunnissaat allannguinninnermi pingaaruteqarmat

Taamaatut oqaaseqarluta Siumumit siunnersuut itigartipparput.